

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj: 01-02-7099/26
Sarajevo, 03.04.2026. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 15. radnoj sjednici Općinskog vijeća općinski vijećnici postavili su vijećnička pitanja odnosno pokrenuli su vijećničke inicijative sljedećeg sadržaja:

-vijećnik Dino Okerić-

1. Podnosim inicijativu u ime kluba vijećnika Naroda i Pravde za subvencioniranje troškova građevinskih dozvola i uređenje zemljišta za porodice sa djecom. Na osnovu pozitivnih praksi drugih lokalnih zajednica, uključujući Općinu Ilijaš, podnosim inicijativu prema Općinskom vijeću Novi Grad sarajevo uvođenje sistemske mjere podrške porodicama s djecom. Prijedlog mjera podrazumijeva umanjenje troškova do 50% uređenja građevinskog zemljišta i umanjenje troškova do 50% za izdavanje građevinskih dozvola za porodice sa djecom uz mogućnost dodatnih olakšica za porodice sa više članova odnosno sa troje i više djece.

Obrazloženje: Uslovi života, posebno rješavanje stambenog pitanja postao je jedan od ključnih izazova za mlade porodice. Ova mjera ima za cilj stvaranje boljeg ambijenta za zasnivanje i razvoj porodice i zadržavanje stanovništva na području Općine, direktan poticaj natalitetnoj politici, stimulacija i izgradnja lokalne zajednice. Ovakav vid podrške već daje konkretne rezultate u nekim drugim općinama. **(traženo izjašnjenje Općinskog vijeća)**

2. Podnosim inicijativu za uspostavljanje horizontalne i vertikalne signalizacije čitavom dužinom ulice Avde Palića. Neophodno je hitno postavljanje usporivača saobraćaja te označavanje pješačkih prelaza zbog velikog broja školske djece i sigurnosti i ostalih učesnika u saobraćaju.

-klub vijećnika SDA (vijećnica Azra Čomor)-

1. Vijećnička inicijativa – podrška projektu zabrane korištenja mobilnih telefona u školama i nabavka ormarića za odlaganje uređaja

Na osnovu obraćanja učenika sedmih razreda JU OŠ „Umihana Čuvidina“, koji su u okviru projekta „Građanin“ pokrenuli inicijativu zabrane korištenja mobilnih telefona u školama s ciljem unapređenja kvaliteta nastave, discipline i koncentracije učenika, podnosim sljedeću vijećničku inicijativu:

Inicijativa: Da Općina Novi Grad Sarajevo, u saradnji sa nadležnim institucijama iz oblasti obrazovanja, razmotri mogućnost uvođenja mjera ograničenja korištenja mobilnih telefona u osnovnim školama, te da u skladu s tim obezbijedi finansijsku i logističku podršku za nabavku zaključanih ormarića za sigurno odlaganje mobilnih uređaja učenika tokom nastave.

Obrazloženje: Sve veći broj evropskih i svjetskih obrazovnih sistema uvodi restrikcije korištenja mobilnih telefona u školama zbog njihovog negativnog uticaja na pažnju, koncentraciju i ukupne obrazovne ishode učenika. Učenici JU OŠ „Umihana Čuvidina“ prepoznali su ovaj problem i kroz svoj angažman ponudili konkretno rješenje. Uvođenjem ove mjere, uz obezbjeđenje adekvatne infrastrukture (ormarići za odlaganje), značajno bi se unaprijedio obrazovni ambijent, povećala sigurnost učenika i doprinijelo razvoju zdravijih radnih navika.

Zaključak: Pozivam nadležne službe Općine Novi Grad Sarajevo da razmotre ovu inicijativu i u saradnji sa Ministarstvom za odgoj i obrazovanje KS iznađu model njene realizacije.

2. Vijećnička inicijativa – postavljanje tabli s nazivima ulica na području mjesnih zajednica

Na osnovu obraćanja građana, podnosim sljedeću vijećničku inicijativu:

Inicijativa: Da nadležne službe Općine Novi Grad Sarajevo izvrše uvid na terenu i pokrenu aktivnosti na postavljanju tabli s nazivima ulica na metalnim stubovima, na jasno vidljivim lokacijama – prvenstveno na početku ulica, kao i na ključnim raskrscima i spojevima ulica, na području mjesnih zajednica.

Obrazloženje: Na području općine evidentan je problem nedostatka adekvatno postavljenih i vidljivih oznaka s nazivima ulica. U velikom broju slučajeva table uopće ne postoje, dok su na pojedinim lokacijama postavljene na neadekvatnim mjestima, poput garaža, potpornih zidova ili metalnih ograda, što otežava njihovu uočljivost.

Ovakvo stanje stvara poteškoće u svakodnevnom funkcionisanju građana, a posebno predstavlja problem za hitne službe (Hitna pomoć, vatrogasci, policija), koje prilikom intervencija gube dragocjeno vrijeme u pronalasku tačne lokacije. Također, poteškoće imaju i dostavne službe, kao i posjetioci naselja. U cilju unapređenja sigurnosti, efikasnosti djelovanja službi i opće preglednosti naselja, neophodno je uspostaviti jedinstven i standardiziran sistem označavanja ulica na području općine Novi Grad a posebno u mjesnoj zajednici Alipasin Most 1.

3. Vijećnička inicijativa – postavljanje rukohvata u ulici Ragiba Džinde

Na osnovu obraćanja građana, podnosim sljedeću vijećničku inicijativu:

Inicijativa: Da nadležne službe Općine Novi Grad Sarajevo izvrše uvid na terenu i pokrenu aktivnosti na postavljanju rukohvata u ulici Ragiba Džinde, na dionici od broja 166 do broja 168

Obrazloženje: Navedena dionica ulice Ragiba Džinde karakteristična je po izrazito strmom terenu, što predstavlja značajan problem za svakodnevno kretanje građana, posebno starijih osoba, djece i osoba sa smanjenom pokretljivošću. Tokom zimskog perioda, usljed poledice i snijega, kretanje ovom dionicom postaje dodatno otežano i nesigurno, te postoji povećan rizik od padova i povreda. Građani su ukazali na potrebu postavljanja adekvatnog rukohvata koji bi omogućio sigurnije kretanje i spriječio neželjene nezgode. Uzimajući u obzir sigurnost i potrebe stanovnika ovog dijela naselja, postavljanje rukohvata predstavlja nužnu i opravdanu mjeru.

Zaključak:Zadužuju se nadležne općinske službe da izvrše procjenu stanja na terenu, te u skladu s tehničkim mogućnostima i raspoloživim budžetskim sredstvima pristupe realizaciji ove inicijative.

4. Upućuje se inicijativa prema Općini Novi Grad Sarajevo da, u saradnji sa nadležnim službama i javnim preduzećima, pokrene postupak izgradnje i spajanja vodovodne mreže u naselju Alipašin Most II, konkretno u ulici Esada Midžića, na potezu od broja 131 do broja 123. Na navedenoj lokaciji obuhvaćeno je ukupno 12 stambenih objekata koji trenutno nemaju adekvatno riješenu i evidentiranu vodovodnu infrastrukturu. Postojeći priključci izvedeni su još 1980-ih godina, uglavnom ručno, te nisu evidentirani u katastru podzemnih instalacija, što predstavlja ozbiljan problem u smislu zakonitog priključenja, održavanja i daljeg razvoja infrastrukture. Dodatno, imajući u vidu da su na ovom području u toku radovi na izmjeni asfaltne podloge, smatramo da je od izuzetne važnosti da se ovo pitanje riješi u što kraćem roku, kako bi se izbjegla naknadna oštećenja nove infrastrukture i stvaranje dodatnih troškova.

U skladu s tim, traži se:

- izgradnja nove vodovodne linije na navedenoj dionici
- povezivanje sa postojećom vodovodnom mrežom
- evidentiranje infrastrukture u katastar podzemnih instalacija
- omogućavanje zakonitog priključenja za stanovnike

Rješavanje ovog pitanja od suštinskog je značaja za osnovne životne uslove građana i predstavlja pitanje od javnog interesa. Molim nadležne službe da dostave informaciju o poduzetim koracima i planiranim aktivnostima

-klub vijećnika SDA (vijećnik Jasmin Šošić)-

1. Podnosim inicijativu za hitno uklanjanje divlje deponije na potezu od stočne pijace do kasarne Rajlovac, s posebnim akcentom na prostor oko terena i svlačionica FK Bojnik.

Na navedenoj lokaciji nalazi se velika količina otpada (namještaj, gume, bijela tehnika), što predstavlja ozbiljnu prijetnju zdravlju zbog pojave zmija, glodara i pasa lualica, kao i zagađenja okoliša i obližnjih vodotoka.

Molim da se u što kraćem roku izvrši čišćenje i odvoz otpada, uz uključivanje JP Lokom u saradnji sa KJKP RAD i nadležnim službama, te pokretanje postupaka protiv odgovornih lica.

Molim nadležnu službu da dostavi pisani odgovor o poduzetim aktivnostima po ovoj inicijativi.

2. Dokle se došlo sa inicijativom za povećanje općinskih taksi za kladionice na području Općine Novi Grad Sarajevo, te koje su konkretne aktivnosti poduzete po ovom pitanju? Molim da se dostavi informacija da li je izrađen prijedlog odluke, u kojoj je fazi procedura i kada se može očekivati upućivanje iste prema Općinskom vijeću.

3. U ime Kluba vijećnika SDA podnosim inicijativu da se u Mjesnoj zajednici Alipašin Most I izvrši postavljanje tabli s nazivima ulica na adekvatnim i jasno vidljivim lokacijama, na početku svake ulice.

Naime, postojeće table su često postavljene na garažama, ogradama i potpornim zidovima, dok pojedine ulice uopće nemaju jasno označen početak, što otežava snalaženje i usporava dolazak hitnih službi,

vatrogasaca, dostavnih vozila i drugih korisnika. Postavljanjem jedinstvenih i pravilno raspoređenih tabli doprinijelo bi se boljoj preglednosti, sigurnosti i uređenijem izgledu naselja.

Molim nadležnu službu da razmotri inicijativu i dostavi informaciju o poduzetim aktivnostima.

-klub vijećnika SDA (vijećnica Elma Lindov) -

U ime Kluba SDA Novi Grad Sarajevo predlažem da nadležne službe izvrše pregled svih dječijih igrališta na području Općine i napravi plan njihove sanacije i redovnog održavanja radi sigurnosti djece.

-klub vijećnika SDA (vijećnica Anela Šiljević)-

1. Inicijativa za hitnu sanaciju kolovoza u ulici Hasiba Brankovića

U ime mještana ulice Hasiba Brankovića, kao i u svoje lično ime, podnosim inicijativu za hitno rješavanje problema izrazito klizavog kolovoza u navedenoj ulici.

Naime, dionica od broja 12 do broja 45 predstavlja ozbiljan sigurnosni problem za sve učesnike u saobraćaju, a posebno za djecu koja svakodnevno koriste ovu ulicu na putu do škole, kao i za starije osobe kojima je kretanje dodatno otežano.

Ulica je klizava čak i u suhim vremenskim uslovima, dok se situacija značajno pogoršava tokom kišnih perioda. Kao posljedica toga, zabilježen je veliki broj padova, uključujući i slučajeve sa težim povredama. Nažalost, na ovoj lokaciji desio se i smrtni slučaj usljed proklizavanja vozila.

Mještani su se u više navrata obraćali putem Mjesne zajednice Švrakino Selo II, međutim konkretne mjere još uvijek nisu poduzete.

S tim u vezi, predlažem da se:

- da nadležne općinske službe hitno izvrše uviđaj na terenu,
- da se izvrši sanacija kolovoza (asfaltiranje ili druga adekvatna tehnička mjera protiv klizanja),
- te da se razmotre dodatne sigurnosne mjere (signalizacija, usporivači brzine i sl.).

Molimo da se ova inicijativa razmotri po hitnom postupku, imajući u vidu ozbiljnost situacije i direktnu ugroženost sigurnosti građana.

2. Inicijativa za uređenje zemljišne površine i parking prostora na spoju ulica Sulejmana Pačariza Hodže i Ferida Srnje

Podnosim inicijativu za uređenje zemljišne površine (ostrva) uz saobraćajnicu na spoju ulica Sulejmana Pačariza Hodže i Ferida Srnje. Naime, navedena površina se trenutno koristi kao neformalni parking prostor, iako nije adekvatno uređena. Zemljište je u lošem stanju, a na njegovim rubovima dolazi do obrušavanja zemlje prema kolovozu ulice Ferida Srnje, čime se direktno ugrožava sigurnost pješaka, vozila i nesmetano odvijanje saobraćaja.

S tim u vezi, predlaže se:

- da nadležne općinske službe izvrše procjenu stanja predmetnog zemljišta,
- da se izvrši njegovo uređenje kroz asfaltiranje i jasno obilježavanje parking mjesta,
- da se na dijelu gdje postoji šiblje i gdje dolazi do obrušavanja zemlje izgradi potporni zid,

- te da se cjelokupan prostor adekvatno uredi u cilju povećanja sigurnosti i funkcionalnosti.

Realizacijom ove inicijative značajno bi se unaprijedila sigurnost svih učesnika u saobraćaju, spriječile daljnje degradacije terena i omogućilo adekvatno korištenje prostora.

Molim da se inicijativa razmotri i poduzmu potrebne mjere u što kraćem roku.

3. Upućujem pitanje nadležnoj općinskoj službi:

Da li je inicijativa za izgradnju pješačke kratice - stepenica ili pješačkog puta sa rukohvatima, na lokaciji ispod ulice Sulejmana Pačariza Hodže 29, koja je upućena dana 27.02.2025. godine, uzeta u razmatranje od strane nadležnih službi Općine Novi Grad Sarajevo?Ukoliko jeste, molim da se dostavi informacija u kojoj fazi se nalazi realizacija ovog projekta, te kada se može očekivati početak radova.Ukoliko inicijativa nije razmatrana, molim obrazloženje razloga, kao i informaciju da li je planirano njeno uvrštavanje u naredne planove i programe rada Općine.Napominjem da bi realizacija ovog projekta značajno doprinijela sigurnijem i lakšem kretanju građana, posebno djece, starijih osoba i osoba sa poteškoćama u kretanju.

-klub vijećnika SDA (vijećnik Emir Šehović)-

1. U ime Kluba vijećnika SDA podnosim inicijativu sanacija bankine u ulici Bana Mateja Ninoslava br. 6 koja je oštećena usljed saobraćajnog udesa. Molim nadležnu službu da u što kraćem roku izadze na teren izvrši procjenu stanja i poduzme neophodne mjere sanacije kako bi se osigurala bezbjednost svih građana.

2. U ime Kluba vijećnika SDA podnosim inicijativu za dosljedno provođenje i poštivanje projekta asfaltiranja u ulici Nusreta Aganovića. Cilj ove inicijative je da se projekat realizuje u cijelosti,kako bi svi stanovnici dobili jednake i dostojanstvene uslove za život.

3. U ime Kluba vijećnika SDA podnosim inicijativu za postavljanje saobraćajnih ogledala na nepreglednim krivinama u ulici Nusreta Aganovića kod brojeva 74 i 74A. Postavljanje dva saobraćajna ogledala na navedenim lokacijama značajno bi doprinijelo preglednosti i sigurnosti svi građana koji svakodnevno koriste ovu ulicu.

4. U ime Kluba vijećnika SDA podnosim inicijativu za hitnu sanaciju prilaza (ulaza) stambenih jedinica ulica Adema Buća 39 i 41. Postojeća asfaltna i betonska podloga u potpunosti je devastirana. Veliki broj rupa pukotina i udubljenja stvara ozbiljne poteškoća za stanare, otežano kretanje i značajno narušava sigurnost svi korisnika ovog prostora.

5. U ime Kluba vijećnika SDA podnosim inicijativu za uspostavljanje organizovanog i redovnog odvoza komunalnog otpada u ulici Sulje Jahića (sokak) od broja 54-62. Naime iako je infrastrukturni problem riješen asfaltiranjem stanovnici ovog područja i dalje nemaju obezbjeđen odvoz smeća , čak ni u minimalnom obimu od jednom sedmično.

-klub vijećnika SDA (vijećnik Haris Alihodžić) -

Podnosim inicijativu prema nadležnoj Službi za iscrtavanje parking mjesta za invalide u ulici Janka Jolovića do br. 1

-klub vijećnika SBiH-a (vijećnica Nejra Džanko Zukobašić)-

S obzirom da će se u ovoj 2026. budžetskoj godini razmatrati Plan rekonstrukcije cesta i lokalnih trgova za narednu godinu, podnosim inicijativu prema Službi za investicije da obiđe i sukladno mogućnostima uvrsti u Program krak ulice Derviša Sude Vražalice od broja 32 do broja 18.

-Klub vijećnika Stranke za Bosnu i Hercegovinu (Selma Pršes)-

1. Upućujem vijećničku inicijativu kojom tražim hitno poduzimanje aktivnosti na sanaciji stepenica u Tuzlanskoj ulici kod broja 26, koje povezuju ulice Bužimska i Nazifa Hadžovića sa Tuzlanskom ulicom. U decembru 2025. godine, usljed snježnih padavina i neadekvatno riješenog sistema oborinske odvodnje, došlo je do značajnog oštećenja i propadanja navedenih stepenica, čime je onemogućeno sigurno i bezbjedno kretanje stanovnika ovog područja.

Dodatni problem predstavlja dugogodišnje neriješeno pitanje oborinskih voda koje se slijevaju iz ulice Bužimska, zatim kroz ulicu Nazifa Hadžovića, te završavaju u kraku ulice pored kuće na broju 41 u ulici Nazifa Hadžovića, pri čemu dolazi do oštećenja infrastrukture i ugrožavanja imovine građana

S obzirom na trenutno stanje na terenu, neophodno je hitno pristupiti sanaciji stepenica, kao i trajnom rješavanju odvodnje oborinskih voda na ovom potezu, uz izlazak nadležnih službi na teren i izradu odgovarajućeg rješenja, te uvrštavanje ovog problema u prioritet.

2. Upućujem vijećničku inicijativu kojom tražim poduzimanje aktivnosti na planiranju kompletne rekonstrukcije sportskog igrališta u ulici Bratunačka čikma, koje se trenutno nalazi u lošem stanju i nije sigurno za korištenje, kao i izgradnju novog dječijeg igrališta pored sportskog.

Mjesto na kojem se igralište nalazi ima veliki značaj za dio naselja Buča Potok i Boljakov Potok, jer su u neposrednoj blizini ulice Grada Bobovca, Bratunačka, Bratunačka čikma, Dr. Irfana Ljubijankića, Hekim Oglu Alipaše i Esada Midžića

Uzevši u obzir navedeno, igralište bi koristio veliki broj djece, što je od posebnog značaja za stanovnike ovog područja.

3. Podnosim vijećničku inicijativu kojom tražim od Službe za investicije i komunalne poslove informaciju o planiranim aktivnostima na sanaciji klizišta u ulici Rafaela Gaona.

Godinama unazad je poznata činjenica da su sredstva obezbijedena, kao i da je izrađen projekat, međutim do danas nije moguće dobiti saglasnost za uključivanje vode koja bi se „pohvatala“ sanacijom klizišta u postojeće mreže.

S tim u vezi postavljam pitanje koji su planovi Službe u cilju stvaranja uslova za mogućnost rješavanja navedenog problema, te da li je planirana rekonstrukcija u ulici Tuzlanska, kako bi se na taj način pokušao riješiti problem.

4. Upućujem vijećničku inicijativu kojom tražim od Veterinarske stanice Novi Grad Sarajevo da poduzme aktivnosti na hvatanju pasa lualica u ulici Adema Buće, koji se kreću od Žutog taksija, ambulante, područja oko zgrada, pa sve do kružnog toka.

Problem sa psima lualicama traje već nekoliko mjeseci, čime je ugrožena sigurnost stanovnika koji se kreću ulicom Adema Buće, kao i sigurnost korisnika ambulante

5. Upućujem vijećničku inicijativu kojom tražim hitno poduzimanje aktivnosti na postavljanju stubića na trotoaru ulice Adema Buće, od semafora do broja 82.

Svakodnevno je duž ulice Adema Buće evidentno parkiranje motornih vozila na trotoaru, čime je ugrožena sigurnost svih učesnika u saobraćaju, a naročito pješaka. Pored automobila, na trotoarima je učestalo i parkiranje kamiona KJKP RAD.

Uzevši u obzir da je ulica Adema Buće jedna od najprometnijih ulica na području Kantona Sarajevo, potrebno je hitno poduzeti mjere u cilju zaštite svih učesnika u saobraćaju.

Nerijetko se dešavaju saobraćajne nesreće gdje, pored brze vožnje i nepažnje vozača, jedan od uzroka predstavlja smanjena preglednost zbog parkiranih vozila. Napominjem da je u prethodnom periodu postavljanje stubića kod broja 108 doprinjelo značajnom poboljšanju sigurnosne situacije.

6. Upućujem vijećničku inicijativu prema Ministarstvu za odgoj i obrazovanje Kantona Sarajevo, kojom se traži od izvršne i zakonodavne vlasti da hitno pristupe sistemskom rješavanju radno-pravnog statusa asistenata angažovanih u obrazovnim ustanovama.

Asistenti u nastavi, posebno oni angažovani u radu sa djecom sa poteškoćama u razvoju, predstavljaju ključan segment inkluzivnog obrazovnog sistema. Njihova uloga je od presudnog značaja za ostvarivanje prava djece na kvalitetno obrazovanje, socijalizaciju i razvoj u skladu sa njihovim individualnim potrebama.

Međutim, uprkos značaju njihove funkcije, asistenti su suočeni sa nizom problema koji ukazuju na neuređen i nesiguran radno-pravni status, uključujući:

- angažman na određeno vrijeme bez jasne dugoročne perspektive,
- nedostatak sistematizovanih radnih mjesta,
- neujednačene i često nedovoljne naknade za rad,
- izostanak jasnih standarda kvalifikacija, obuke i profesionalnog razvoja,
- nedovoljnu institucionalnu podršku i zaštitu prava iz radnog odnosa.

Ovakvo stanje direktno utiče ne samo na kvalitet rada asistenata, već i na kontinuitet i kvalitet podrške učenicima, čime se dovodi u pitanje i puna implementacija principa inkluzivnog obrazovanja.

S tim u vezi, predlaže se da nadležni organi izvršne i zakonodavne vlasti:

1. Donesu jasan pravni okvir kojim se reguliše status asistenata kao sastavnog dijela obrazovnog sistema;
2. Osiguraju sistematizaciju radnih mjesta asistenta u svim obrazovnim ustanovama gdje za tim postoji potreba;
3. Omoguće zasnivanje radnog odnosa na neodređeno vrijeme, u skladu sa stvarnim potrebama sistema;
4. Uspostave jedinstvene standarde za zapošljavanje, stručnu obuku i profesionalni razvoj asistenata;
5. Osiguraju adekvatne i ujednačene plate, kao i druga prava iz radnog odnosa;
6. Uspostave mehanizme nadzora i evaluacije rada, uz kontinuiranu institucionalnu podršku.

Rješavanje statusa asistenata nije samo pitanje radnih prava, već i pitanje kvaliteta i pravednosti obrazovnog sistema. Stabilan i jasno definisan status asistenata doprinosi boljoj inkluziji, većoj efikasnosti obrazovnih ustanova i zaštiti prava djece.

-vijećnik Bojan Vučković-

1. Po inicijativi sa 9. sjednice OV NG - Iscrtavanje i priznavanje dodatnih parking mjesta u ul. Milana Preloga u Hrasnom

Obrazloženje:

Na 9. sjednici OV Novi Grad Sarajevo održanoj dana 31.07. sam uputio inicijativu za iscrtavanje i priznavanje dodatnih parking mjesta u ul. Milana Preloga u Hrasnom. Dana 22.10. mi je nadležna služba odgovorila da će se razmotriti mogućnost realizacije predmetnog zahtjeva te obavijestila da su u toku pripreme aktivnosti na izradi projektne dokumentacije za saobraćajnu signalizaciju i opremu, te će se prilikom izrade iste uzeti u obzir opravdanost i potreba za implementaciju predmetne inicijative. Stoga molim nadležnu službu za informaciju dokle se došlo sa izradom projektne dokumentacije te da li je u obzir uzeta i realizacija moje inicijative.

2. Dopuna tražene informacija o raspolaganju zamijenjenim željeznim ogradama sa dječijih igrališta
Obrazloženje:

Na osnovu dostavljenog odgovora Opštine Novi Grad Sarajevo u vezi sa uklanjanjem željeznih ograda sa dječijih i sportskih igrališta, konstatujem da isti nije potpun niti daje tražene ključne informacije, te u skladu s tim podnosim dopunsko vijećničko pitanje.

Molim da mi nadležna služba hitno dostavi sljedeće:

1. Tačnu evidenciju o količini demontiranih željeznih ograda i drugog metalnog materijala (izraženo u kg ili tonama) po lokacijama i projektima.

2. Procjenu vrijednosti uklonjenog materijala, uz navođenje metodologije procjene.

3. Dokumentaciju o načinu raspolaganja, uključujući:

- zapisnike o demontaži,
- otpremnice,
- potvrde o odlaganju na deponiju ili predaji ovlaštenim operaterima.

4. Ugovorne odredbe iz kojih je vidljivo na koji način je regulisano pitanje vlasništva nad demontiranim materijalom (da li isti pripada Opštini ili izvođaču radova).

5. Pravni osnov na temelju kojeg je uklonjeni materijal tretiran kao otpad bez vrijednosti, imajući u vidu da metalni materijal predstavlja sekundarnu sirovinu sa tržišnom vrijednošću.

6. Informaciju da li je Opština ostvarila bilo kakav finansijski prihod po ovom osnovu, a ukoliko nije, obrazloženje razloga.

3. Podnosim inicijativu za priključkom za vodu za cca. 30 vikendica u ulici Biočki put te asfaltiranjem oko 300 metara puta

Obrazloženje:

Prije cca. 8 godina su se stanovnici ulice Biočki put te korisnici 30-tak vikendica obratili opštini sa molbom za priključkom na vodovodnu mrežu te za asfaltiranjem ulice u preostalih 300 neasfaltiranih metara (sami su finansirali asfaltiranje oko 100 metara). Tom prilikom su izrazili spremnost da i sami dijelom učestvuju u finansiranju priključaka na vodovodnu mrežu. Nažalost nisu nikada dobili odgovor.

Stoga upućujem inicijativu da se razmotri mogućnost implementacije navedene molbe građana ovog naselja.

-vijećnica Hana Keč -

1. Upućujem inicijativu za sanaciju postojećih usporivača brzine u naselju Alipašino Polje C i postavljanje novog ležećeg policajca na okuci kod Mercator-a u C fazi Alipašinosog polja.

O B R A Z L O Ž E N J E

Radi sigurnosti grašana prije svega pješaka, neophodno je izvršiti sanaciju usporivača brzine u naselju Alipašino Polje C faza koji su oštećeni.

Pored toga stanovnici naselja Alipašino Polje su se u više navrata obraćali Općini, kao i MZ-u sa molbom za postavljanje ležećeg policajca na okuci kod Mercator-a u C fazi Alipašinosog polja. Posebno je ugrožena sigurnost stanovnicima Bosanske 13 i Bosanske 14 koji ne mogu bezbjedno preći ulicu. Vidno polje je dodatno suženo parkiranim autima uz trotoar. Veliki broj djece i starih osoba koristi prelaz.

Sredstva za ovu namjenu postoje u budžetu.

2. Upućujem pitanje kada je planirana rekonstrukcija fontane na Alipašinom Polju u C fazi?

O B R A Z L O Ž E N J E

Budžetom Općine Novi Grad Sarajevo za 2026. godinu planirana su sredstva u iznosu od 150.000 KM za rekonstrukciju fontane na Alipašinom Polju u C fazi. Kada se može očekivati početak rekonstrukcije?

3. Upućujem pitanje kada je planirana sanacija pločnika na Trgu Nezavisnosti na Alipašinom Polju u C fazi?

O B R A Z L O Ž E N J E

Općina Novi Grad Sarajevo je za realizaciju projekta rješavanja saobraćaja u mirovanju i pješačkih zona u naseljima Alipašino Polje A, B i C faza predivjela sredstva od 765.000 KM (640.000 KM plus 185.000 KM prenešenih). Postavljeni potapajući stub na Alipašinom Polju u C fazi koji se nalazi na ulazu u trg kod raskrsnice ulica Geteova i Bosanska (mali brojevi) više vremena nije u funkciji nego što rade. To je prouzrokovao da autobobili čak i više nego prije zatvaranja trga za saobraćaj ulaze u trg koji se u posljednjim satima i vikendom pretvara u parkig. Sve to je izazvao dodatno oštećenje ionako oštećenih ploča na trgu (slike u prilogu).

-vijećnik Adi Škaljić -

1. Upućujem inicijativu za obnovu ograde na mostu u ulici Safeta Hadžića (između Suda BiH i MZ Aneks).

O B R A Z L O Ž E N J E

Ograda na ovom mostu je u sve gore stanju. Korozija uvelike nagrizala metalnu ogradu, a zelena boja (farba) je na nekim mjestima gotovo nevidljiva. Kao posljedica ovih uslova ograda više ne predstavlja potrebno osiguranje za kretanje pješaka.

2. Upućujem inicijativu za sanaciju curenja fekalija, čišćenje i generalno dovođenje u upotrebno stanje potputnjaka ispod ulice Ive Andića (ispod autosalona i hipermarketa).

O B R A Z L O Ž E N J E

Ovaj potputnjak je neuslovan već duži niz godina. U isti se izljevaju fekalije, baca smeće i vrši nužda. Radi se o jedinjoj neisprekidanoj pješačkoj vezi između dva dijela A-faze.

3. Upućujem inicijativu za uklanjanje viška zemlje koja je ostala nakon radova na stepeništu koje povezuje trolejbusku stanicu u ulici Safeta Hadžića i B-fazu (kod zgrade Toplana).

O B R A Z L O Ž E N J E

Iako su radovi već odavno gotovi, okolina novog stepeništa izgleda kao na fotografiji ispod. Usljed sniježnih padavina i kiše, na ovom mjestu se formiraju bare i blato. Smatram da je neophodno da izvođač uredi zonu uz stepenište.

-vijećnica Selma Alić-

1. S obzirom da je do datuma 01.04.2026. godine investitor stambenog objekta „ROSA“ ulica Ramiza Salčina obavezan postupiti u skladu sa članom 19 Odluke o uslovima i načinu prokopavanja javnih površina na području KS, a nakon navedenog datuma izvršiti potpunu i konačnu sanaciju asfaltiranja i dovođenja iste u prvobitno stanje u skladu sa tehničkim uslovima za prokopavanje zahtijevam da odmah nakon ovog datuma inspektor ponovno izađe na teren kako bi utvrdio da li je sve urađeno u skladu sa pomenutim članom i da postupi sa mjerama onako kako je propisan o posljednjim nadzorom. Molim da se dostavi odgovor u vezi navedenog i provedenih mjera.

2. Podnosim urgenciju na dostavljeni odgovor povodom vijećničke inicijative koja se odnosi na pravni status objekata na Dobrinji i u okviru Centra „Safet Zajko“.

Konstatujem da dostavljeni odgovor nije potpun, jer ne sadrži tražene konkretne podatke i dokumentaciju.

Ponovno zahtijevam:

Da se dostave kopije upotrebne dozvole, zapisnika o tehničkom prijemu za objekat bazena na Dobrinji i dokaz o rješenim imovinsko pravnim odnosima sa predhodnim vlasnicima nekretnina.

Molim da dostavite svu neophodnu dokumentaciju za građenje kao i upotrebnu dozvolu za sve objekte u okviru Centra „Safet Zajko“ koji nisu obuhvaćeni članom 69 zakona o prostornom uređenju KS tj. nisu izuzeti.

Obzirom da ste u odgovoru naveli da za objekte koji su dio vojne imovine, a koje je Vlada FBiH svojom odlukom dala na korištenje Općini zanima me da li ste dobili saglasnost vlasnika prilikom tekućeg održavanja istih i molim vas da mi dostavite kopiju Odluke Vlade FBiH kojom se ustupa zemlja na korištenje.

Tražim da se odgovor dostavi u potpunosti, u skladu sa Poslovníkom Općinskog vijeća.

3. Podnosim inicijativu za proširenje i modernizaciju rasvjete u naselju Rajlovac na dijelu ulice Safeta Zajke br. 420 prema pješačkim prelazima i autobuskoj stanici zbog obezbijedenja veće sigurnosti kretanja pješaka.

4. Podnosim inicijativu za ponovno otvaranje Centra za mlade u prostorijama gdje je nekada postojao davne 2012. godine ili na drugoj adekvatnoj lokaciji Općine, a sve s ciljem jačanja institucionalne podrške mladima i unapređenja njihovog ličnog i profesionalnog razvoja.

Centar za mlade predstavlja važan resurs naše općine, ali njegov potencijal može biti značajno unaprijeđen kroz sadržajnije i sistemski organizovane programe. Mladi se danas suočavaju s nedostatkom kvalitetnih prilika za sticanje dodatnih znanja, razvijanje praktičnih vještina i profesionalno usmjeravanje. Zbog toga je potrebno da Centar preraste u aktivan razvojni prostor koji odgovara stvarnim potrebama mladih.

Predlažem organizovanje edukacija iz oblasti informacionih tehnologija, stranih jezika, javnog nastupa i finansijske pismenosti, kao i uspostavljanje karijernog savjetovališta koje bi pružalo pomoć pri pisanju biografija, pripremi za razgovore za posao i planiranju karijere.

Također, Centar može služiti kao prostor za rad mladih na projektima i poduzetničkim idejama, čime bi se podstakao razvoj lokalne inicijative i kreativnosti.

Ulaganje u jačanje kapaciteta Centra za mlade predstavlja ulaganje u budućnost naše općine, jer aktivni i osnaženi mladi ljudi čine temelj svake stabilne i perspektivne zajednice.

5. Molim nadležnu općinsku službu za dostavu kopije zapisnika tehničkog prijema stambenog objekta „ROSA“ u ulici Ramiza Salčina.

-vijećnik Mirza Memišević-

1. Upućujem inicijativu nadležnim institucijama da razmotre uspostavljanje privremenog saobraćajnog rješenja na raskrsnici kod Suda Bosne i Hercegovine, koje bi uključivalo:

- formiranje privremene isključne trake za skretanje prema kompleksu Suda Bosne i Hercegovine, te
- uspostavljanje privremene uključne trake iz suprotnog smjera prema glavnoj saobraćajnici.

Ovo rješenje bi omogućilo sigurniji i protočniji pristup kompleksu Suda Bosne i Hercegovine, te smanjilo zadržavanje i saobraćajne gužve koje se trenutno stvaraju na toj raskrsnici.

Imajući u vidu da je u planovima izgradnja južne longitudinalne sa po dvije trake u oba smjera, koja će trajno riješiti saobraćaj na ovom potezu, predlaže se realizacija privremenog saobraćajnog rješenja do izgradnje planirane infrastrukture, s ciljem unapređenja sigurnosti i protočnosti saobraćaja u ovom dijelu grada.

2. Upućujem inicijativu nadležnoj općinskoj službi da izvrši pregled stanja, utvrdi potrebne popravke i izradi plan unapređenja uslova za boravak djece u dječijem parku koji se nalazi između ulica Bajrama Zenunija i Trg solidarnosti na području Općine Novi Grad.

Naime, roditelji iz ovog naselja već duže vrijeme ukazuju na loše stanje postojećeg dječijeg parka. Nakon što je raniji park uklonjen i na tom prostoru izgrađen parking, izgrađen je novi park koji, nažalost, već godinama ima brojne nedostatke i kvarove na spravama.

U parku trenutno nedostaju osnovni sadržaji za najmlađu djecu, poput ljuljački sa zaštitom za malu djecu, manjeg tobogana i drugih sprava prilagođenih uzrastu. Pored toga, dio postojećih sprava je oštećen ili neispravan, što može predstavljati potencijalnu opasnost i dovesti do povreda djece.

Također, pristup parku je veoma loš, teren je pod nagibom, a prilikom kiše dolazi do stvaranja blata i klizavog terena, što dodatno otežava korištenje parka i predstavlja sigurnosni problem.

S obzirom da u okolini živi veliki broj porodica sa djecom, smatram da postoji i dodatni prostor za proširenje parka i postavljanje novih sadržaja za igru i boravak djece.

Molim nadležnu službu da razmotri ovu inicijativu, izvrši potrebne popravke i sanaciju postojećih nedostataka, te predloži trajno rješenje kako bi se djeci iz ovog naselja obezbijedili sigurniji i kvalitetniji uslovi za igru i odrastanje.

3. Upućujem inicijativu nadležnoj općinskoj službi da izvrši pregled stanja i sanaciju oštećenog mobilijara u dječijem parku koji se nalazi u naselju Alipašino Polje – C faza, iza ulaza u zgrade u Geteovoj ulici, u unutrašnjosti naselja, u blizini Gradske biblioteke.

Prema informacijama građana i uvidu na terenu, određeni dijelovi mobilijara u ovom parku su oštećeni i zahtijevaju popravku ili zamjenu, kako bi se osigurali sigurni uslovi za boravak i igru djece.

S obzirom da park koristi veliki broj djece i porodica iz ovog dijela naselja, molim nadležnu službu da izvrši pregled stanja postojećih sprava i mobilijara, te poduzme potrebne aktivnosti na njihovoj sanaciji i održavanju.

4. Upućujem pitanje nadležnoj općinskoj službi:

Općinsko vijeće Novi Grad Sarajevo je ranije usvojilo Odluku o postavljanju i nadzoru sistema video nadzora u parkovima, s ciljem zaštite parkovskog mobilijara, javne imovine, sigurnosti građana i sprečavanja vandalizma.

Molim nadležnu službu da dostavi informaciju:

1. Da li se navedena odluka provodi na području Općine Novi Grad Sarajevo?
2. U kojem obimu je do sada realizirana (na kojim lokacijama su postavljene kamere)?
3. Koliko parkova je trenutno obuhvaćeno sistemom video nadzora?
4. Da li postoji plan za proširenje sistema video nadzora i na druge parkove na području općine, te u kojem vremenskom okviru?

5. Upućujem inicijativu nadležnoj općinskoj službi da izvrši pregled stanja kolovoza u ulici Hasiba Brankovića, te razmotri mogućnost izvođenja radova na sanaciji saobraćajnice.

Naime, građani koji koriste ovu ulicu ukazuju na problem otežanog kretanja vozila zbog velikog uspona na pojedinim dionicama saobraćajnice, posebno u uslovima kiše, snijega ili poledice, kada dolazi do proklizavanja vozila i otežanog saobraćaja.

S tim u vezi, predlaže se da nadležna služba razmotri mogućnost paranja postojećeg asfaltnog sloja (kolovoza) ili postavljanja habajućeg sloja asfalta sa boljim prijanjanjem, kako bi se omogućilo sigurnije i normalno korištenje ove saobraćajnice.

Molim nadležnu službu da izvrši uvid na terenu i, u skladu sa tehničkim mogućnostima, poduzme potrebne mjere kako bi se poboljšali uslovi odvijanja saobraćaja u ovoj ulici.

6. Upućujem inicijativu nadležnim institucijama da definišu jasne kriterije i procedure za dodjelu parking mjesta osobama sa invaliditetom, s posebnim naglaskom na obezbjeđivanje parking mjesta što bliže ulazima u stambene zgrade.

Naime, osobe sa invaliditetom se svakodnevno suočavaju sa poteškoćama u pristupu svojim stambenim objektima zbog nedostatka adekvatno obilježenih i raspoređenih parking mjesta. U mnogim slučajevima, i kada postoje rezervisana mjesta, ona nisu pozicionirana u neposrednoj blizini ulaza, što značajno otežava kretanje i svakodnevno funkcionisanje.

S tim u vezi, predlaže se da nadležne institucije:

- izvrše analizu postojećeg stanja parking prostora u stambenim zonama,
- definišu jasne kriterije za dodjelu parking mjesta osobama sa invaliditetom,
- osiguraju obilježavanje i rezervaciju parking mjesta u neposrednoj blizini ulaza u zgrade gdje za to postoje tehnički uslovi,
- razmotre mogućnost dodatnog nadzora i kontrole korištenja ovih mjesta.

Cilj ove inicijative je unapređenje pristupačnosti i kvaliteta života osoba sa invaliditetom, te osiguravanje njihovog ravnopravnog učešća u svakodnevnim aktivnostima.

7. Upućujem inicijativu nadležnoj općinskoj službi da izvrši uvid na terenu i razmotri izgradnju uređene pješačke staze na lokaciji koja povezuje parking prostor sa saobraćajnicom preko koje se pristupa objektu Policijske uprave Novi Grad Sarajevo (objekat u kojem se izdaju lični dokumenti).

Na predmetnoj lokaciji već je formirana tzv. „divlja staza“ nastala učestalnim kretanjem građana, što ukazuje na stvarnu potrebu za uređenjem ove komunikacije. Trenutno stanje terena je neuređeno, bez travnatog pokrivača, te se usljed kišnih padavina stvara blato i klizav teren, što otežava kretanje i predstavlja problem za građane.

S obzirom na frekventnost ove lokacije, imajući u vidu da veliki broj građana svakodnevno dolazi u Policijsku upravu radi izdavanja ličnih dokumenata, smatram opravdanim da se na ovoj trasi izgradi adekvatna pješačka staza (asfaltirana ili betonska), kako bi se omogućilo sigurnije i dostojanstvenije kretanje građana.

Molim nadležnu službu da razmotri ovu inicijativu i, u skladu sa mogućnostima, pristupi realizaciji predloženog rješenja.

8. Upućujem inicijativu nadležnim institucijama da izvrše uvid na terenu i uklone nepropisno postavljen saobraćajni znak koji se nalazi iza ili naslonjen na kontejnere u ulici Sulejmana efendije Filipovića, na raskrsnici sa ulicom Prvomajska u neposrednoj blizini trafike i objekta Policijske uprave Novi Grad Sarajevo.

Prema zatečenom stanju na terenu, navedeni saobraćajni znak nije adekvatno postavljen, nalazi se iza kontejnera ili naslonjen na njih, te kao takav ne ispunjava svoju funkciju i može dovesti u zabludu učesnike u saobraćaju.

Molim nadležne službe da izvrše provjeru opravdanosti postojanja ovog znaka, te u skladu sa nalazima isti uklone ili pravilno postavie na odgovarajuću lokaciju, u skladu sa važećim propisima.

-vijećnik Vernes Ćosić -

Od Općinskog vijeća Novi Grad Sarajevo na sljedećoj sjednici tražit ću ponovno izjašnjenje da se riješi pitanje saobraćajne sigurnosti u Bulevaru Mimara Sinana na Dobrinji, i to od Ministarstva saobraćaja Kantona Sarajevo.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. a/a